

COMUN: Al vëgn lascé alsavëi che en jöbia, ai 16 de forá, vëgnel presenté dales 20.00, tl salf di stödafeuch a San Martin da pert dl'aministrazion de comun y di proietanc geol. Carlo Ferretti y inj. Johann Röck a düc i interessá le plann comunál dles **zones de prigo** (Gefahrenzonenplan) che é gnü lauré fora ti ultimi agn.

PLOANIES SAN MARTIN Y LUNGIARÜ

L'Unité Pastoral Val Badia mët a ji n **peregrinaje ala beatificaziun** de Josef Mayr-Nusser tl dom da Balsan, la sabeda ai 18 de merz. An pëia ia dales 07.30 da Calfosch (ca dales 07.45 ia dala Burcia). Se prenoté cina ai 28 de forá te colonia o por tel. 347 90 94 532. Magari ne conescëise nia dër chësc pere jonn de familia da Balsan mort sot a Hitler. Mo al se mirita nosta amiraziun, deach'al á testimonié i valurs cristians defrunt a forzes dejumanes y cuntra la fede. Nosc Vësc le nominëia „ardí, cristian, n laich doc“. info plü avisa te internet www.unitepastorala.org

SAN MARTIN

La **Uniun di Seniors da San Martin y Antermëia** organisëia n domisdé sô Jü en domënia ai 26 de forá. I s'incuntun dales 14.00 sô Ju tla Ütia Col dl' Ancona por sté adöm a s'la cunté, carté y se mangé val'. Prëibel anunziessë cina en jöbia 23 de forá pro Loise Kirchler 329 13 98 721 o pro Alfred Ploner 333 36 54 786. La picia marëna vëgn paiada dala uniun. An pó jí sô cun le lift o ince cun i auti. Chi d'Antermëia che oress gní mená a San Martin/Picolin, dess contaté Loise, an pëia ia dales 13.30 y da San Martin sôn plaza de dljia dales 13.45. Gnide düc, ince chi jogn dai 60 agn insö. Deplü ch'i sun y plü bel ch'al é!!

En recort dl defunt Giovanni Pescoller él gnü fat ofertes por la dljia da S.Martin da: fam. Martin Rives y Walter Zingerle; fam. Tavella/Pinis; fioc Eduard; fam. Pepi y Romi Dejaco; fioc Arthur y Verena; fam. Franz Verginer; fam. Christian Pedevilla/La Ila; Pio y Waltraud Pescoller; Rosamunde y Pepi Videsott; Cor de Dljia S.M.; Musiga da S.M.; Emma Costabiei; Herz-Sport-Gruppe VB; la classa dl 1941; la classa dl 1981; Paolo y Daniela Vanzi y Loise Dorigo; Uniun di Iagri S.M.; Uniun di Iagri Lungiarü; Uniun di Iagri de Südt.; Uniun di Èi; families da Ghestan; Sepl Flöss/Anvì; cognada Maria cun familia; Carla y Rita Verginer, Tecla Conrater, Antonia Willeit y Paola Zingerle; Tone y Elsa Gasser. Por les Misciuns tl Camerun: dala Lia da Munt/La Val. A düc dër bel dilan!

Le Sorvise ai Jogn chir jogn y jones che á ligrëza da lauré cun mituns y mitans sciöche animadus/esses pro l'**Isté Deboriada 2017** (an mës avëi arjunt la majera eté!). Por informaziuns prëibel cherdé sô le 0474/523070 (lön-jöb, dales 8.00- 12.00 y 13.00-17.00) o manuela@jogn.org. Termo por dé jö les domandes é le 28 de forá 20.

En jöbia ai 16 de forá 2017 s'incunta indô le **grup de tēmp lēde Atmosfera** por ères y ëi atocà da problems psichics. Le tema sará "Depënje y ester creatif". I s'incuntun dales 15.30 cun Irina Tavella y Barbara Rungger tla sēnta dl Raiun Sozial Val Badia a Picolin. Informaziuns plü monüdes pro Sabine Rainer tel. 0474/524519. Vignun/öna é bēgnnüs y é dēr bel invia/des.

Curs de ladin por prinzipianc dai 20 d'aurí ai 08 de jügn vigni jöbia dales 19.30 – 21.00 tl Istitut Ladin a San Martin; info: 0474 523 110 o mail: formaziun.vb@micura.it



Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

12.02.17 – 19.02.17 nr. 12

termo da publiché: jöbia 20.00
radio: 90,40 / 93,70



6^a DOMËNIA IA POR L'ANN - A

Vangele: Matí 5,17-37

Porchël ves diji:

Sce osta iustizia n'é nia cotan maiù
co chëra di studià dles scritöres y di farisës,
ne rovarëise nia tl rēgn dl cil.

Canche te portes túa oferta sôn alté
y al te toma ite laprò,
che to fire à val' cuntra tè,
lascia túa oferta dailò dan alté;
va naôta a fâ a öna cun to fre,
spo vî a ofrî túa scincunda.



Gejú pê da ne ester nia contënt cun i farisës
che proa da osservé la lege y les regoles dl Testamënt Vedl dër avisa.

Ci ghira pa Gejú, sc'al dij:

„Sce osta iustizia n'é nia cotan maiù co chëra di studià dles scritöres y di farisës,
ne rovarëise nia tl rēgn dl cil?“

Al n'ó dessigü nia, ch'i la tolunse ciámó plü zitia y plü avisa co i farisës.

Mo al ó ch'i praticunse na iustizia „maiú“.

Nia na iustizia rigorosa, mo maiú, olach'al é lerch por la vita y lerch por l'amur.

Sce Gejú ó deplü, ne n'ól nia, ch'an ciales ma da mète a strada i atri,
mo ch'an proes instësc da ester plü sinziers, plü sensibli y plü de cör.

Na manira de ponsé grana y leria,

che vëgn rovenüda dal amur a Chël Bel Dî y da súa ligrëza por la vita,
mo ince dala comprenjiun por la jënt incëria y cun chëra ch'i viun.

I rovin tres indô dan da situaziuns che n'é nia regolades tl menü,
gonot ne bastel nia ch'i lasciun ester y ne s'un fajun nia adinfora,
mo i sun cherdá da fá y dé val', da fá y dé val' deplü.

Vire tl Spirit de Gejú y de súa pordica söla munt, ch'i un aldí incö,
ch'i me damani instës tres indô:

Ci ó pa sēgn da me l'amur por Chël Bel Dî y l'amur por le vijin?

	SAN MARTIN		LUNGIARÜ
12.02.17 6^a DOMËNIA ia por l'ann A	9.00 Corona por + Giovanni Pescoller 9.30 Gran Mëssa por la comunité	12.02.17 Domënia	7.55 Corona 8.15 Gran Mëssa por la comunité
13.02.17 Lönesc <i>Adolf, Gisela</i>		13.01.17 Lönesc	
14.02.17 Dedolönesc <i>Valentin, Ziril y Metode,</i>	15.30 Mëssa it'a Bioch en onur de Santa Maria da Lourdes por i benefaturs dla capela por families de Doro Verginer + + Paul y Frida Vantsch	14.01.17 Mertesc	
15.02.17 Dedemesaledema <i>Siegfried, Faustin</i>		15.02.17 Mercui	7.30 Mëssa + Costantino Mischi + Augustin Daporta + + geniturs de Maria y Angel Sorà
16.02.17 Jöbia <i>Iuliana, Filipa</i>	7.30 Mëssa di scholars por fam. Giovanni Chizzali + + Rita y Roberta Costabiei + + Vantsch, Miri Corona por vocaziuns	16.02.17 Jöbia	
17.02.17 Vëndres <i>Fondadus di Servic, Marzel</i>	18.30 Adoraziun chita 19.00 Devoziun deboriada	17.02.17 Vëndres	7.30 Mëssa + siur Heinrich Videsott + Lena Dapoz + + de fam. Carlo Castlunger
18.02.17 Sabeda <i>Scimun, Costanzia</i>	15.30 Mëssa tla Ciasa de Palsa 18.30 Mëssa prefestia 2 ^a de sopoltöra de Giovanni Pescoller dl ann + Hannele Pedevilla, Tasser + Pire Tavella, Cëch (dla Uniun) + Lena Rubatscher	18.02.17 Sabeda	20.00 Mëssa prefestia por families Daporta, Pinis + Franz Flatscher + Maria Greif
19.02.17 7^a DOMËNIA ia por l'ann A	9.00 Corona 9.30 Gran Mëssa por la comunité	19.02.17 Domënia	7.55 Corona 8.15 Gran Mëssa por la comunité 14.00 Bato de Giulia Clara, Planatscher Bato de Noa Pezzei